

E principe heredero

Willem-Alexander



E prome heredero mucha-homber a nace, despues di mas cu 100 aña di a conoce princesa y reina so. Aki e prins ta den scochi di su wela, Reina Juliana.

Despues di mas cu un siglo (100 aña) y 4 reina (Emma, Wilhelmina, Juliana y Beatrix), Reino Hulandes lo conoce un rey atrobe. Pero lo dura bastante pa esaki, pasobra Reina Beatrix ta gozando di bon salud y vitalidad, y nos ta spera cu e sigui asina.

Prins Willem-Alexander a nace dia 27 di april di aña 1967 na Academisch Ziekenhuis Utrecht. Su prome añanan el a pas'é na Kasteel Drakensteijn, y aki el a haya dos ruman mas, Johan Friso (1968) y Constatijn (1969).

Desde 30 di april 1980, tempo cu su mama, Reina Beatrix, a bira cabez di e Reino Hulandes, prins Willem-Alexander ta carga e titulo di principe heredero.

Siendo hoben ainda, e prins tin un carera bastante largo caba. El a atende lyceum na Baarn y djey na 1981, ora cu henter e famia real a muda pa Den Haag, el a sigui lyceum na e ciudad aki. Despues di esey, el a bai Wales, Inglaterra,

unda el a completa su estudio na Atlantic College na 1985. Tambe el a completá su carera militar prome cu el a dicidi di studia historia na Universidad di Leiden na 1987.

No solamente el a haci carera den servicio militar naval (zeemacht), sino tambe den servicio militar aereo (luchtmacht). Na aña 1993 el a obtene su brevet (un licencia pa stuur avion) di piloto, cual a wordo presentá na e pa su propio welo, prins Bernard. Desde 1997 prins Willem-Alexander ta Comandante di Koninklijke Zeemacht, un di su tantisimo titulonnan.

Ademas di tur esaki, prins Willem-Alexander ta yuda su mama, Reina Beatrix, cu bishitanan oficial na diferente pais.

Tambe e ta un gran fanatico di futbol, y ta bai tur e campeonatonan mundial ora Hulanda ta hunga. Y sin lubidá e Olimpiadanan cu e ta atende y di cual comité e ta miembro tambe.

Un principe hopi activo y bon prepará pa e puesto cu e lo ocupá den futuro. Sigur nos lo tende más di dje ora e bishita nos isla y tambe di su futuro matrimonio.



Aki por aprecia Reina Beatrix, sigul pa prins Claus, prins Constatijn, prins Johan Friso y por ultimo full ariba por mira prins Willem-Alexander.


CU

Bo yiu merece e miho.....

Cada **little Tikes** cu nos bende, na **Mareve**, nos ta duna bo **100% di garantia**. Si algo kibra of dañá nos lo remplace completamente **GRATIS***



directoria duradero



Fergusonstraat 42-A
Tel. 825393

* mester ta cumpra na Mareve Toys & Gifts

Chabalito

Number 7 - Año III - Maart, 2001 - Afl. 2,=



Conoce prins Willem-Alexander • Sa mas di Paleis Het Loo • Mas y mas premio!